



19.05.2022

Jens Napâtôk'

UPA2022/149

Apeqquteqaat aallaavigalugu oqallisissatut siunnersuutigaara, qanoq ililluni suliffinni sulisut ilorrisimaarnerat annertusisissinnaaneripput napparsimalluni sulinngitsoornerit sapinngisamik appartinniarlugit.

(Inatsisartunut ilaasortaq Anna Wangenheim, Demokraatit)

Qanoq ililluni suliffinni sulisut ilorrisimaarnerat annertusisissinnaaneripput napparsimalluni sulinngitsoornerit sapinngisamik appartinniarlugit apeqquteqaat aallaavigalugu oqallisissamik siunnersuuteqartoq Anna Wangenheim, Demokraatit Naleqqamiit qujaffigerusupparput.

Oqallisaarinermi saqqummiussinermi napparsimaneq aammalu taamatut napparsimalluni sulinngitsoorneq assigiinngitsunik peqquteqartartoq saqqummiuppa soorlu nualluutit nalinginnaasut, toqqusaarlunerup saniatigut uippakajaarnek, isumatsanneq taamatullu kræfternek nappaatillu taakku assigiinngitsuusut assigiinngitsunillu katsorsartariaasartuusut oqallissaarisup saqqummiussaminut toqqammavilersuutimini ilaatippai.

Napparsimanermi sulinngiffeqartarneq qanoq sivilutigisarnera aamma assigiinngisitaarsinnaasarpog nappaat katsorsagaanerlu aallaavigalugu.

Siunnersuuteqartoq Naleqqamiit isumaqatigilluinnarparput napparsimalluni sulinngitsoortarneq nunatsinni ajornartorsiut annertoorujussuusoq, tamannalu misissuisarnerit takutittarpaat napparsimalluni sulinngitsoortarneq inunnut ataasiakkaanut akisuinnarani inuiaqatigiinnut nunatsinnut akisoorujussuusoq taamaammallu pitsanngorsaasoqarnissaanik qanoq iliuseqartoqartariaqartoq.

Napparsimalluni sulinngitsoornerit aningaasatigut taamatullu timikkut/tarnikkut atukkatigut assigiinngitsutigut sulisunut sunniuteqartarpoq, arlaatigut napparsimasimalluni ilungersunarsinnaasunik atugaqartoq kisimi sunnerneqaannarani taamatuttaaq aamma suleqatigisat eqqugaasarput kivitassat suleqatigisat sulinngitsup suliassai ilanngullugit



Naleraq

suliarisariaqartarpai, tamannalu aamma suleqatigisanut nungullarsaataasumik sunniuteqartarpoq.

Nunatsinni ukiuni kinngullerni ineriartorneq annertusimaqaaq ukiuni kingullerni 50-70-ini piniartu-
unermit aalisaartuunermut taamatullu suliffissuaqarnermut inuit suliffeqarnermut ikaarsaarnermi
pinngortitaq malillugu ingerlajunnaarluni nalunaaqutaq malillugu ingerlalerneq alloriarfusimasoq
kinguneri suli atuuttut kinguaariit nikinnerani suli unamminartunik atugaqarfusut malunnarpoq.

Nunarput nunasiaataasimanermit ikaarsarfianni ineriartornermut nutaaliaasumut nunar-
suarmioqataalerfitsinni kingornussarisimasat sunniuterpassuit suli nassatarititaasut inuiaqatigiinni
assigiinngitsutigut sunniutigisimasai inuiaqatigiinni atuuttut ukiuni amerlavallaani isi-
ginngitsuusaarneqarsimasorpasuupput.

Taamatut ikaarsarfeqarsimanerput killiffigisarpullu inuiaqatigiinni katataqarluta inissisi-
maffigilersimasarput eqqarsaatigineqanngippallaartartoq Naleqqamiit isumaqarpugut, taamaamat
ineriartornerup ingerlaqqinnerani inuiaqatigiinni kalaallit nunatsinni katataqannginnerulluta inger-
lariaqinnitsinni atugassarititaasut tamanut periarfissiineruinnaratik aammalu ajornartorsiutaasin-
naasut suliffiup iluani pisut kisimik pinnagit aamma ajornartorsiutaasinnaasorpasuut sorlaqarfii
ilanngullugit suliniuteqarfigalugillu ingerlariaqqinnissarput avaqqunneqarsinnaanngilaq.

Suliffeqarfippassuarni ilorrissimaartoqanngissinnaasarnera takkuttuarput, peqqinnissaqarfimmi
sulisut ulapaartut aammalu pitsaanerpaamik kiffartuussiniaraluarlutik nunaqavissut akornanni
sulisunillu arlalinni ilorrissimaartoqannginneranik takussutissaapput sulisut soraarartarnerat ilinni-
agaqarsimagaluarlutik suliffinnut allanut nuuttarnerat.

Suliffeqarfiit sulisuminni ilorrisimaarnermik misissuisarnerat qiviaraanni imaannaanngitsumik
nunatsinni inissisimasoqarpoq soorlu IMAK´p nalunaarutigisartagaat aallaavigalugit ilinniartitsisut
sisamaagaangata ataaseq uippakajaarnermik eqqugaasartoq.



Naleraq

Uippakajaarneq nunatsinni initusiartuinnartoq malunnarpoq inuiaqatigiit ineriartornitsinni sunni-uterpassuisa ilagivaat aammalu suliffeqarfinni suliffiup avatangiisai aqunneqarneri atugassariti-taasullu tassani sunniutigisinnaasai assigiinngitsorpassuusinnaapput qulaajarnerullugit naleqqussaaffigineqarnerusariaqartut.

KNI-mi pisimasut saqqummertaarput taakkulu kanngutsaatsuliornerit annertuut sulisorpassuarnut innarliisimasut erserput, tamannalu inuiaqatigiittut akuersaarnatigu suliffeqarfinni pitsaasumik sulisut illersorneqarlutillu atugaqarnissaanik uukkataqarnerusariaqarnitsinnik takutitsiffiuvoq.

Air Greenland sulisut nuna assigiinngitsorpassuarninngaanneersunik suliffigineqartoq aammalu anigaasarsiatigut ajunngitsumik inissisimagaluartut sulisut arlaqartut sulliffimmi atugaat pillugit apersuisoqarnerani sulisut ilorrisimaanngilluinnarnerat tupaallannartuuvoq suliffeqarfinni taama annertugisumi aammalu aaqqiissuullugaatiginarsorisami sulisut ilorrissimaanngilluinnarnerat nul point-imik inissinnerattut taasariaqartup takutippaa oqallissaarisup ugartugaa nunatsinni suliffeqarfinni suqaluartuniluunniit pisariaqartinneqarlunartoq kialluunniit miserratisinaanngi-laa uukkatarinerullugu qanoq iliuuseqarnissamut inuiaqatigiinni kikkut tamarmik qanoq iliuuse-qarfiginissaanik peqataasoqarnerusariaqarneranik ersertitsisuuvoq.

Suliffeqarfinni pitsaasumik sinaakkuteqarluni sulinermi kultureqarnissaq pingaartillugu qin-ngasaarisooqartarnera kanngutsaatsulioortoqarnera aammalu atugassarititaasut allarpassuit eqqarsaatigalugit tigussaasumik suliarillugaasumillu suliffeqarfiit sinaakkutaqarnissaanut oqaloqatigiinnerit iliuuseqarnissallu aallartittariaqartut pillugit oqallissaarisooq qujaffigerusupparput, nunatta minnerunngitsumillu nunatta inuisa tamanna pisariaqartilluinnarpaat.

Oqallissaarut siamasissorujussuuvoq taamaammat sulisut ilorrissimaanerunissaanik timikkut sunni-uteqartartut peqqutaasinnaasut sulinermi avatangiisit ilanngullugit suliassaarpoq taamatullu tar-nikkut sunniutigisartakkat oqaloqatigiinnikkut toqqaanaq pisanngitsut ilanngullugit inuk ataatsimut isigalugu naleqartutut isigalugu timeq tarnerlu ilanngullugit pitsaasumik inissisimanissaat anguniarlugu suliarpassuit sanarfillugit



Naleraq

aallartittoqareertariaqarpoq, tamannalu nunatsinni suliffeqarfiit suliaralugu aallartitaqarnissaanik Naalackersuisut kaammattuilertariaqarput sulianillu taamatut anguniagaqartunut tapersersuillutik periarfissanik suleqataanagerusariaqalerlutik

Oqallisissiaq pisariaqartoq siamasittorujussuarlu taamatut Naleqqamiit oqaaseqarfigalutigu pisariaqarluinnaqqissaartuusoq eqqumaariffigsariaqalernalu pillugu siunnersuuteqartoq qujaffigalugu taamatut Naleqqamiit oqaaseqarfigaarput